



Laerskool Jan van Riebeeck

KLOOFSTRAAT 52 KAAPSTAD 8001 ☎ 021 423 4209 FAKS: 021 423 4210/424 2375
EPOS: jhoosthuizen@gmail.com WEBTUISTE: www.jvrprim.co.za
SKOOLHOOF: J H Oosthuizen

UITSTAPPIE-, TOERE- EN REISBELEID

ALGEMEEN

- 'n Maksimum van 2 uitstappies per kwartaal, en nie meer as 4 uitstappies per jaar nie, welke uitstappies by die kurrikulum moet inpas, kan per graad gereël word indien 'n behoefte by onderwysers en leerders bestaan.
- Dit is dus nie deel van die verpligte kurrikulum nie.
- Uitstappies moet opvoedkundig van aard wees.
- Deeglike beplanning ten opsigte van opvoedkundige waardes vir leerders, onkoste betrokke, veiligheid, versekering en vroeë besprekings is van kardinale belang.
- Verantwoordelike persone moet poog om alle toere en uitstappies te beplan sodat dit op die jaarbeplanning aangebring kan word.
- Die verantwoordelike persone hanteer die bespreking, begroting en invordering van alle gelde vir die toere of uitstappies. Duidelike inligting rakende die bestemming, tyd en vervoer (na en van) moet aan die ouer/voog gekommunikeer word.
- Onderwysers wat vir vakonderwys verantwoordelik is, moet vooraf reëlings tref vir hulle afwesigheid by betrokke klasse.
- Onderwyser wat verantwoordelik is vir die organisering/fasilitering van die uitstappie moet saam met die groep na die uitstappie gaan.
- Geen leerder sal ontnem word van die geleentheid om 'n uitstappie mee te maak vanweë 'n gebrek aan fondse nie. Behoeftige leerders sal dus, in oorlegpleging met die skoolhoof, geborg of gesubsidieer word.
- Uitstappies is 'n addisionele koste vir ouers en is nie by die verpligte skoolgelde ingesluit nie.
- Onderwysers en leerders moet ten alle tye die skool se gedragskode tydens uitstappies en toere handhaaf en die skool se naam te alle tye hoog hou.
- Kleredrag van die leerders moet eenvormig wees en inpas by die aard van die uitstappie of toer.
- **Die reg om 'n uitstappie mee te maak word voorbehou. Dit is 'n voorreg en nie 'n reg nie. Leerders kan ingevolge die dissipline beleid, en na skriftelike kennisgewing aan die**



Laerskool Jan van Riebeeck

KLOOFSTRAAT 52 KAAPSTAD 8001 ☎ 021 423 4209 FAKS: 021 423 4210/424 2375
EPOS: jhoosthuizen@gmail.com WEBTUISTE: www.jvrprim.co.za
SKOOLHOOF: J H Oosthuizen

betrokke leerder se ouers, gestraf word deur nie toegelaat te word om die uitstappie of toer mee te maak nie.

- Alle leerders wat die skoolterrein verlaat tydens uitstappies of toere moet 'n ondertekende toestemmingsbrief by die verantwoordelike onderwyser inhandig waarin die ouers skriftelike toestemming verleen dat hulle kind die uitstappie of toer mag meemaak, en ook van busvervoer gebruik mag maak. Geen kinders sal toegelaat word om 'n uitstappie of toer mee te maak sonder vermelde toestemmingsbrief nie en sal waar toepaslik, in 'n ander klas ingedeel word ten einde klasonderrig te ontvang.
- Vir elke twintig leerders moet daar ten minste 1 onderwyser en/of 1 ouer in beheer wees/toesig hou en die groep vergesel.
- Die noodhulptas moet sover moontlik saamgeneem word.
- Indien die uitstappie in 'n openbare publieke area(s) is, moet sekuriteit in aggeneem word. Die terrein moet ook vooraf deur die verantwoordelike persoon besigtig word om te verseker dat dit geskik is. Roetes moet insgelyks beproef word.

PROSEDURE WAT GEVOLG MOET WORD VIR OPVOEDKUNDIGE TOERE OF UITSTAPPIES WAT 'N ENKELE SKOOLDAG, 'N GEDEELTE VAN 'N SKOOLDAG OF MEER AS EEN SKOOLDAG IN BESLAG NEEM

- Alle aansoeke moet skriftelik en 6 weke voor die beplande toer of uitstappie by die betrokke Kringbestuurder (WKOD) ingedien word.
- Die volgende dokumentasie moet die aansoek vergesel:-
 - Die goedkeuring van die beheerliggaam;
 - Die opvoedkundige program en hoe dit aansluit by die kurrikulum;
 - Lys van alle leerders van die spesifieke vakgroep, klas of graad.

PROSEDURE VIR TOERE OF UITSTAPPIES BUITE SKOOLURE

- Skole moet hul eie fondse aanwend vir opvoedkundige en sport toere en geen finansiële hulp sal deur die Departement aan skole vir hierdie doel verleen word nie.
- Reël van borge en donasies.



Laerskool Jan van Riebeeck

KLOOFSTRAAT 52 KAAPSTAD 8001 ☎ 021 423 4209 FAKS: 021 423 4210/424 2375
EPOS: jhoosthuizen@gmail.com WEBTUISTE: www.jvrprim.co.za
SKOOLHOOF: J H Oosthuizen

VEILIGHEID TYDENS UITSTAPPIES OF TOERE

- Die verantwoordelike onderwysers wat leerders vergesel moet spesiaal daarop bedag wees om leerders se veiligheid te verseker. Die noodhulptas moet sover moontlik saamgeneem word. Indien die uitstappie in 'n openbare publieke area(s) is, moet sekuriteit in aggeneem word.
- Vir elke twintig leerders moet daar ten minste 1 onderwyser en/of 1 ouer in beheer wees/toesig hou en die groep vergesel.
- Vervoer sal geskied per skoolbus en/of ouervervoer, wat vooraf gereël sal word. In die geval waar leerders met 'n bussie vervoer word, moet hierdie persoon(e) die nodige lisensie hê om passasiers te vervoer.
- Die veiligheid van die bus sal hanteer word volgens die veiligheidsbeleid en busbeleid van die skool.
- Die getal leerders op die bus moet voor vertrek en na besoeke op die bus gekontroleer word om te verseker dat geen leerder agtergelaat is nie.
- Enige openbare voertuig wat leerders vervoer moet oor geldige versekering beskik.



Laerskool Jan van Riebeeck

KLOOFSTRAAT 52 KAAPSTAD 8001 ☎ 021 423 4209 FAKS: 021 423 4210/424 2375
EPOS: jhoosthuizen@gmail.com WEBTUISTE: www.jvrprim.co.za
SKOOLHOOF: J H Oosthuizen

Vrywaring wanneer van BUSVERVOER of personeellid se voertuig gebruik gemaak word:

Ek, die ondergetekende,, ouer of wetlike voog van in Graad gee hiermee toestemming dat my kind / voogdy op van busvervoer vanaf Laerskool Jan van Riebeeck tot en terug, gebruik mag maak. Ek gee ook toestemming dat, as 'n alternatief, my kind / voogdy saam met 'n personeellid van Laerskool Jan van Riebeeck in sy / haar private voertuig vervoer mag word.

Ek verstaan en aanvaar volkome dat die personeel van Laerskool Jan van Riebeeck alle redelike voorsorgmaatreëls sal tref om my kind / voogdy se veiligheid te verseker. Daar mag nietemin risiko's en gevare wees waaraan my kinds / voogdy blootgestel mag wees, veral die potensiele risiko van ongelukke tydens vervoer van deelnemers na, gedurende en van die wedstryd/uitstappie/toer, of dit nou in die Laerskool Jan van Riebeeck se bus of enige ander personeellid se voertuig is.

Ek bevestig dat my kind se deelname vrywillig is en ek aanvaar alle risikos daarby betrokke. Ek vrywaar dus Laerskool Jan van Riebeeck en / of enige personeellid teen enige verlies, skade hoe ookal dit veroorsaak is (uitgesluit growwe nalatigheid) en Laerskool Jan van Riebeeck en / of enige personeellid sal nie aanspreeklik gehou word vir enige verlies / skade (insluitend indirekte of voortvloeiende verlies en / of skade) wat daaruit spruit nie.

Ek vrywaar hiermee Laerskool Jan van Riebeeck en of enige personeellid van alle aanspreeklikheid, eise, verlies en skade van watter aard ookal waar sulke eise, verliese en skade veroorsaak is deur my kind / voogdy se nalatige of moedswillige optrede.

In die ondertekening van hierdie vorm erken ek dat ek die inhoud gelees het en dat ek dit volkome verstaan.

.....

.....



Laerskool Jan van Riebeeck

KLOOFSTRAAT 52 KAAPSTAD 8001 ☎ 021 423 4209 FAKS: 021 423 4210/424 2375
EPOS: jhoosthuizen@gmail.com WEBTUISTE: www.jvrprim.co.za
SKOOLHOOF: J H Oosthuizen

Handtekening

Datum

Vrywaring vir UITSTAPPIES:

Ek, die ondergetekende,, ouer of wetlike voog van, in Graad gee hiermee toestemming dat my kind / voogdy op aan die uitstappie wat op gehou gaan word, mag deelneem.

1. Ek is bewus daarvan dat deelname aan 'n uitstappie fisiese en geestesinspanning mag behels en ek bevestig dat ek al die / enige potensiële probleme aangaande my kind / voogdy se fisiese en geestestoestand aan Laerskool Jan van Riebeeck bekend gemaak het.
2. Ek verstaan en aanvaar volkome dat die personeel van Laerskool Jan van Riebeeck alle redelike voorsorgmaatreëls sal tref om my kind / voogdy se veiligheid te verseker. Daar mag nietemin risiko's en gevare wees waaraan my kind / voogdy blootgestel mag wees, veral (maar nie beperk tot) die potensiële risiko van ongelukke tydens vervoer van kinders na, gedurende en van die uitstappie, of dit nou in die Laerskool Jan van Riebeeck se bus of enige ander personeellid se voertuig is.
3. Ek bevestig dat my kind se deelname aan die uitstappie vrywillig is en ek aanvaar alle risiko's daarby betrokke. Ek vrywaar dus Laerskool Jan van Riebeeck en / of enige personeellid teen enige verlies, skade hoe ookal dit veroorsaak is (uitgesluit growwe nalatigheid) en Laerskool Jan van Riebeeck en / of enige personeellid sal nie aanspreeklik gehou word vir enige verlies / skade (insluitend indirekte of voortvloeiende verlies en / of skade) wat daaruit spruit nie.
4. Ek vrywaar hiermee Laerskool Jan van Riebeeck en of enige personeellid van alle aanspreeklikheid, eise, verlies en skade van watter aard ookal waar sulke eise, verliese en skade veroorsaak is deur my kind / voogdy se nalatige of moedswillige optrede.

In die ondertekening van hierdie vorm erken ek dat ek die inhoud gelees het en dat ek dit volkome verstaan.



Laerskool Jan van Riebeeck

KLOOFSTRAAT 52 KAAPSTAD 8001 ☎ 021 423 4209 FAKS: 021 423 4210/424 2375
EPOS: jhoosthuizen@gmail.com WEBTUISTE: www.jvrprim.co.za
SKOOLHOOF: J H Oosthuizen

.....

Handtekening

.....

Datum